



Il mas-chalch da Sent

www.sent-online.ch

sent@engadin.com

marz / avrigl 2022

MAS-CHALCH

Infuormaziun a regard il Mas-chalch da Sent

- Cumpara tanter ils 20 e 25 da mincha mais.
- Ils texts ston gnir tramiss o dats giò fin ils 15 dal mais i'l büro da Sent Turissem sent@engadin.com.
- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Zanetti, furnaria Clalüna, Grotta da Cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel Mas-chalch vegnan ramassats i'l büro da Sent Turissem. Scha pussibel giavüschaina texts in fuorma digitala.

ARRANDSCHAMAINTS

Societats chi vöglan publicar arrandschamaints han seguaintas pussibilitats:

- Mas-chalch da Sent : tenor infuormaziuns sülla prüma pagina
- Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- Chalender d'arrandschamaints da la destinaziun turistica:
www.engadin.com => "Allegra das Veranstaltungsmagazin" => Veranstaltungen erfassen
opür
<https://www.engadin.com/de/planen-buchen/allegra-veranstaltungsmagazin>

Quellas occurrenzas vegnan publicadas eir ill'Allegra, schi sun annunzchadas avant il termin da la fin da redacziun da l'Allegra.

AVIS - Nouv adöver chaistas nairas

Il cumün da Scuol nun ha plü adöver pellas chaistas nairas. Societats chi lessan publicar lur occurrenzas ed infuormaziuns illas chaistas nairas pon manar avis in fuormat A4 pro Sent Turissem fin adüna il marcurdi. Ils avis vegnan plazzats adüna la gövgia illas chaistas nairas.

SOCIETÀ D'ÜTIL PUBLIC – concerts illa baselgia da Sent

Ingüna reservaziun da plazzas - la chascha es averta ün'ura avant il concert

Sonda, als 9 avrigl 2022, a las 20.15, collecta

CONCERT DA PRÜMAVAIRA

„Sun e tun“, l'orchester d'Engiadina Bassa, suna insembel cul "Orchester Engiadina", l'orchester d'Engiadin'Ota, suot la bachelta da Gyula Petendi.

Solist es Matthieu Gutbub, cello

Lur program:

Ottorino Respighi: Antiche danze ed arie

Oscar Straus: Serenade

Antonio Vivaldi: Violoncelloconcert a-mol RV 24

Auguste Franck: Romance

Venderdi Sonch, als 15 avrigl 2022, a las 17.00, CHF 25.-

L'ULTIMA SONATA DA SCHUBERT PEL VENDERDI SONCH

Hristo Kazakov, clavazin

El sunarà da Franz Schubert la Klaviersonate Nr. 21, B-dur ed Impromptu op. 90, As-dur

Il pianist bulgarais, a Sent cuntshaint cun ouvras da Bach e da Beethoven, ans inchantarà in quist concert cun duos ouvras da Franz Schubert cumponüdas in seis ultims mais da vita.

BIBLIOTECA SENT

In occasiun dal giubileum « 40 ons Biblioteca cumünala da Sent » es cumparü il cudesch da tarablas « La clav d'or ».

Quist cudesch as poja cumprar in biblioteca, pedsch frs. 25.-

Uras d'avertüra biblioteca: lündeschdi, gövgia e sonda: da las 16:30 – 17:30.

GROTTA DA CULTURA – infuormaziuns detagliadas i'l Allegra e suot <http://www.grottadacultura.ch>

Galleria e bar-café / Galerie und Bar-Café

mardi e sonda / Dienstag und Samstag

17:00 -19:00

Nus ans allegrain da Lur visita!

Exposiziuns/Ausstellungen

16.04.2022 Vernissascha: prümavaira/Frühlingsgefühle

Tagls daforsch e squitschs da Dora e Jakob Erny: tradiziunal e poppig

Sonda, 16-04-2022 17.00 – 19.00

Grotta da cultura, Schigliana

entrada libra

Mincha flur da mincha fluor ün miracul.

Inspirà da la natüra, creà cun forsch e scalpel,

taglià sül milimeter, in culur ed alb e nair -

mamma e figl invidan ad insömgiar.

Jede Blüte jeder Blume ein Wunder.

Inspiriert von der Natur, mit Schere und Skalpell kreiert,

millimeterfein geschnitten in Farbe und Schwarz-Weiss -

Mutter und Sohn laden ein zum Träumen.

Exposiziun averta adüna mardi e sonda, 17.00 - 19.00, fin als 2 avuost 2022

PER NOSSAS SENIORAS - PER NOSS SENIORS

Mardi, als 5 avrigl 2022

Giantar da cumpagnia, a las 12.00 i'l Restorant Chasa Veglia

Infuormaziuns ed annunzcha fin ils 1. avrigl a Chatrina Ritzmann, 081 864 93 59

Adüna il **lündeschdi, a las 14.00 in Chasa Misoch**: Gimnastica per las duonnas, Pro Senectute, manadra Elisabeth Poo, tel. 081 864 18 20

TSCHERCHÀ – GESUCHT**Eigentumswohnung als Erstwohnsitz gesucht**

Ich, Marco Michel, 37, Schauspieler und Autor, ursprünglich aus Bern, seit Jahren in Berlin, suche dringend eine 3-4 Zimmerwohnung zum Kauf im Unterengadin. Am allerliebsten würde ich nach Sent ziehen, aber ich bin offen und dankbar für jeden Hinweis. Email: info@marcomichel.com Telefon: 0049 1577 8346 486



CORPORAZIUN EVANGELICA SENT

Cults divins

DUMENGIA, 10 AVRIGL

Cult divin per la dumengia da las Palmas

10.00, rumantsch/tudais-ch, rav. Maria Schneebeili

VENDERDI SONCH, 15 AVRIGL

Cult divin

10.00, rumantsch, cun rav. Magnus Schleich

DUMENGIA, 17 AVRIGL

Cult divin da Pasqua cun Soncha Tschaina / Ostergottesdienst mit Abendmahl

10.00, tudais-ch, rav. Monika Wilhelm

Uffants

VENDERDI, 1. AVRIGL ED ILS 8 AVRIGL

Invid a la predgina

17.00-18.00; per tuot ils uffants da scouline fin 4. classa da Sent. La predgina ha lö amo duos jadas; als 1. avrigl ed als 8 avrigl 2022. Lö da reuniun es davant baselgia San Lurench. Nus passantain l'ura cun chantar, tadlar istorgias, far marenda, disegnar e zambriar.

Üna sporta organisada da la Baselgia refuormada Sent culla catecheta Seraina Guler.

Comunicaziun

Radunanza generala da la Corporaziun Evangelica Sent, ils 1. mai davo il cult divin

Tractandas

1. Salüd
2. Tscherna dombravuschs
3. Protocol radunanza generala dals 3-10-21
4. Rapport dal cussagl da baselgia
5. Rapport instrucziun da religiun
6. Rendaquint 2021 e rapport da las revisuras
7. Ravarenda
8. Tschernas
9. Orientaziuns e varia

Charas commembras e chars commembers, chars genituors

La suprastanza da la Corporaziun evangelica da Sent es daspö duos ons in tschercha da ravarenda. Trais buns candidats/candidatas chi sun stats as preschantar durant l'on passà han l'ultim deplorablamaing istess retrat lur candidatura. Quai cha nus tscherchain amo plü urgiaintamaing es

almain duos personas chi ans güdan a trar il char

Nus eschan be plü in trais in suprastanza e quels amo plütöst da la generaziun veglia. Sper la lavur sütta da suprastanza chi sto gnir fatta, vessan nus eir il giavüscha cha noss'instituziun gniss darcheu ün pa activa.

Pro la baselgia daja temas interessants chi regardan dumondas da la vita e da la società, e quai per tuot las etats. I füss be da chattar fuormas da's confruntar cun els, forsa eir in cumbinaziun cun otras activitats sco p.ex. lectüra, musica, teater, discurs, inscuters, viadis. Insembel gnissna sgür sün bunas ideas.

Cun Seraina Guler vaina üna catacheta fich ingaschada chi ans rimplazza il /la ravarenda pustüt illa lavur cun noss uffants e giuvenils. Eir per ella füssa fich salüdaivel d'avair amo personas activas ed innovativas, p.ex. genituors, chi collavuran e tilla sustegnan cun schlantsch.

Nu füss quai alch per vus? Per dumondas staina gugent a disposiziun ed eschan cuntaints per mincha annunzia.

La suprastanza da la Corporaziun evangelica

Barbla Buchli, Duri Fried ed Aita Dermont-Stupan